

---

**BAB 3 PENERIMAAN MASUK****BAHAGIAN A – AM****3.01 Pengenalan**

- (1) Bab ini memperuntukkan kehendak-kehendak yang mesti dipatuhi oleh pemohon yang memohon untuk diterima masuk dalam Senarai Rasmi.
- (2) Kehendak-kehendak tambahan atau terkecuali yang berkaitan dengan penerimaan masuk dalam Senarai Rasmi juga diperuntukkan dalam Bab-Bab yang berikut:
  - (a) Bab 4 bagi pemohon yang merupakan dana tertutup, REIT, ETF, amanah perniagaan dan syarikat pemerolehan kegunaan khas; dan
  - (b) Bab 4A bagi pemohon yang merupakan penerbit asing dan penerbit yang memohon penyenaraian kedua di Bursa.
- (3) Jika penerbit tersenarai menjalankan suatu cadangan korporat yang akan menghasilkan suatu perubahan yang signifikan dalam haluan perniagaan atau dasar sesuatu penerbit tersenarai, Bursa akan menganggap penerbit tersenarai itu seolah-olah ia pemohon baharu yang memohon untuk diterima masuk dalam Senarai Rasmi. Dalam hal yang demikian, penerbit tersenarai itu mesti mematuhi kehendak-kehendak di bawah Bab ini, jika berkenaan.
- (4) Bagi maksud Bab ini, melainkan jika konteksnya menghendaki makna yang lain, sebutan mengenai "pemohon" termasuklah penerbit tersenarai yang menjalankan cadangan korporat yang akan menghasilkan suatu perubahan yang signifikan dalam haluan perniagaan atau dasar sesuatu penerbit tersenarai.

**BAHAGIAN B – PENERIMAAN MASUK****3.02 Penerimaan masuk**

- (1) Bursa akan menggunakan budi bicara berkenaan dengan penerimaan masuk dan penyenaraian berterusan sekuriti dalam Senarai Rasmi dan boleh meluluskan atau menolak permohonan untuk penyenaraian, sebagaimana yang difikirkannya patut.
- (2) Bursa juga boleh meluluskan permohonan untuk penyenaraian tanpa syarat atau tertakluk kepada apa-apa syarat, yang difikirkannya patut.
- (3) Pemohon mesti mengemukakan permohonannya untuk penyenaraian melalui Penasihat Utama.
- (4) Pemohon mesti mematuhi tatacara dan kehendak penerimaan masuk yang berkenaan yang ditetapkan oleh Bursa.

[Rujukan silang: Nota Amalan 21]

**3.03 Kelulusan daripada pihak berkuasa lain**

Pemohon mesti terlebih dahulu mendapatkan kelulusan daripada SC dan pihak berkuasa lain yang berkenaan (jika berkenaan) sebelum penyenaraian dan sebut harga mana-mana sekuriti dipertimbangkan oleh Bursa.

**3.04 Pengarah bebas**

- (1) Pemohon mesti memastikan sekurang-kurangnya 2 pengarah atau 1/3 daripada lembaga pengarah pemohon, mengikut mana-mana yang lebih tinggi bilangannya, ialah pengarah bebas.
- (2) Sekiranya bilangan pengarah pemohon bukan 3 atau gandaan 3, bilangan yang terdekat dengan 1/3 hendaklah digunakan.

**3.05 Jawatankuasa audit**

Pemohon mesti menubuhkan suatu jawatankuasa audit yang majoritinya terdiri daripada pengarah bebas (lihat juga Bab 15).

**3.06 Tebaran pemegangan sekuriti**

- (1) Pemohon mesti mempunyai sekurang-kurangnya 25% daripada jumlah syer atau unit yang disenaraian dimohon dipegang oleh minimum 1,000 pemegang sekuriti awam yang setiap satunya memegang tidak kurang daripada 100 syer atau unit. Bursa boleh menerima peratusan yang lebih rendah daripada nilai ambang 25% sekiranya ia berpuas hati bahawa peratusan yang lebih rendah itu mencukupi bagi pasaran cair dalam sekuriti.
- (2) Pemohon yang mempunyai atau akan mempunyai syer atau unit yang disenaraikan di bursa saham lain boleh memasukkan sekuriti tersebut bagi maksud pengiraan tebaran pemegangan sekuriti.

[Rujukan silang: Nota Amalan 19]

**3.07 Perlembagaan**

- (1) Pemohon mesti memasukkan dalam perlembagaannya, pelbagai peruntukan yang terkandung dalam Bab 7.
- (2) Pemohon mesti mengemukakan kepada Bursa suatu surat pematuhan menurut perenggan 2.12 bersama-sama dengan perlembagaannya dan suatu senarai semak yang menunjukkan pematuhan peruntukan Bab 7 yang berkenaan.

**BAHAGIAN C – MEKANISME PENSTABILAN HARGA****3.08 Kehendak tambahan bagi mekanisme penstabilan harga**

Pemohon yang berhasrat untuk menjalankan tindakan penstabilan mesti mematuhi Bahagian I Bab 8.

**BAHAGIAN D – PEMINDAHAN PERBADANAN TERSENARAI KE PASARAN UTAMA****3.09 Pemindahan ke Pasaran Utama**

- (1) Suatu perbadanan yang disenaraikan di Pasaran ACE boleh dipertimbangkan untuk dipindahkan ke Pasaran Utama dengan syarat perbadanan tersenarai itu memenuhi kehendak bagi penyenaraian di Pasaran Utama atau apa-apa kehendak lain yang dikenakan oleh Bursa dan mendapat kelulusan SC terlebih dahulu.

**Bab 3  
Penerimaan Masuk**

- 
- (2) Suatu perbadanan tersenarai yang memohon untuk dipindahkan ke Pasaran Utama mesti juga mematuhi tatacara dan kehendak penyenaraian yang berkenaan sebagaimana yang ditetapkan oleh Bursa.

*[Rujukan silang: Nota Amalan 22]*

[Bab tamat]